

Jekabaara

Jamana



World Vision

Gikela ceman n'a musoman kunnafoni seben

a be bo kalo o kalo

Jamana basarada la BP 2045 Bamako (Mali)

Jekabaara be enterineti kan

ne 3nan


Dantigelikan

K'a ta san 2005 mekalo tile 27 la, ka t'a kunce a tile 30 la, Afriki tilebinyan-fan jamanaw donsow ye jaogon sera Mali kono yan. O kera danbe siraboli jenajeba ye min be tali ke an ka jamanaw kono adamadenyakow kan. Ka bi lawale la, donsow de ye ce janaw jeda fa an ka jamanaw kono sigili hakilisigi naamuko la. Awa, fe min ye seko ni dənkow lati meni taabolo ye, tigilamaa bereberew kera donsow de ye. Bi-bi in na, na fora ko donso, an hakili be taa dan sogow bon-ka-faga dərən de ma nanyan kono. Uhun dere ! O t'a danma ye. Sogofaga ye donsoya taabolonin de ye, nonte donsoya yere ye koba were ye. Donso de ye janaw ye, ale de ye subaga ye, ale de ye wonton ye. Kabi dije waati folow la, an ka jamanaw kono haronya bee lakanabagaw kera donsow de ye. Donsoya te ko lankolon ye, awa jamana nemaa kodənbali de be u ka ko ke bolokəfeko ye. Ka su dibi fara tile fe ani ka tile yeelen jensen sufe, o te donsow ko ye wa. Ala kana barika ba donsoya la ne si ma.

Tumani Yalam Sidibé

“World vision” ka jiko poroze nemaa ka kunnafoni

ne 8-9-10nan



Senefenw lahala di ne kono

ne 4nan

Keneya nasira ka bə dəgətəro Camara yərə


ne 7nan

Bila wold vision taabolo

ne 11nan

"Kalan be məgo sən hakili la, nka kunnafoni be məgo bə kunpan na" Yərə Ulen Sidibe

Jamako



Hamidou Konate

Ka bi an ka jamana ye a ka yéremahorónya ta 1960 san na, barikaba donna cikelaw, cikeduguw ani cikeyiriwasiraw feére tigeli la. O kéra tijé ye fangatilew bëe la. Modibotile, Musatile, Alifatile, Amadu Tumanitile. an bo min na bi. N'an ye jateminé yére ke, an bë taa a ye ko Mali ka jamanabonya sementiyara sénéko taabolo de la kabi lawale la. Awa, fanga tigilamögë si ma sénéko ke bolokofeko ye. An bë ye yére, ko yéremahorónya tali ni sisan ce, 'netaa-baarada sigira sen kan sénéko dönbaga maa faamuyalenbaw ye, o këmë yirika caman de bëra an ka lakolisobaw la, i n'a fo : Katibugu IPR. Nka, halibi, geleyaninw bë an ka sénéko taabolo la. Olu ju te ko were la cikelaw yére bilalibaliya lakika ye jamabaara taabolo kan. Bi bi in na, dijé kow bë yélemani sira kan, a ka gelen maa kelen ka mònë bë dugukolo labaarali la. Dugukolow mòn di bele i n'a fo körolen. O bë jira ko séné te taa musaka kë i n'a fo sunnungunnögë donnifew ani tubabunögë san wari. Wari dun bë

ka geleya ka taa a fe. Denbayaw jama fana bë ka caya ka taa a fe, ka todunda caya ka soro forokene soro te ka labéli ke a jéma bele. O bë taabolo jumen ko fo ? Cikelaw ka ke kelen ye, ka sigida nafabaaraw ke jégon fe. N'o kéra, hakili jagabow kono, fura bë soro geleya caman na an yére nagakoré. Cikela ka d'a la ko dugukolo b'a kélébabá lakika de són nafamafén na, ani kà lafa suman sarama na.

O bëlen kë yen, n bë Jekabaara kalanbagaw hakili lajigin an ka "Siti-webuko" la. U kelen-kelen bëe k'ë jini k'u kundon baara in dönniya n'a waleyali jéjinini na. Kalan si nafantan te dijé in kono. Maa mana ko kura o ko kura dòn ka fara i ka körolen dönnenw kan, i b'o nafa kura soro, n'o ye yélema dò donni ye i ka dijenatige taabolo la. N hakili la, aw tena to batakiw cibali ye an ma walasa k'aw ka faamuya jinifenw da jira an na Siti-webuko in kan. Awa, n b'a w hakiliatige kabi sisán k'aw ka jininkaliw si tena to jaabibaliw ye. N b'a bë fo, k'aw walejuman dòn, Jamana baarada ni Jekabaara ani "UNESCO" tögë la. Ala ka yiriwa sabati an bës ye an ka dijenatige taabolo kan.

K'ën bë

Hamidou Konate

Musalaha

An k'ë tulon

An ka wuli jégoñfe ;

ka jégon naani

ka jégon kélé,

O bëe ye dijé diya taabolo ye

Barisa

Barisa dëre,

Barisa bëe dönbaga b'i dòn

Céya yére te kowére ye

Ni waliko minénice

Yéreko kan

O bëe bë fan kelen kan

min tögë ye ko : soro yére

Ni maa bë dijé

fan min fe don min na

i b'o fan de lako dòn

k'o lako ke

k'o lako sawura ta.

O kanma ko bës ye
musalahä ye

Barisa maa bëe b'i kunfe

ka soro

Bëe bë adamadenya sabati a
da la.

Hali ni maa si feko t'o ye

Tumani Yalam Sidibe

Hakilisenekene

N teri, mònë bë i yére la i juguw kan gansan. Kana a to olu k'a dòn k'u ka dimi lajininen ye donyoré soro i la. N'o kéra olu de ni mònë bë to, barisa ni dimi ma jiginyoré soro a taayoré kan, a bë dan kari a bøyoré de la dëre !

Tumani Yalam Sidibe



Jekabaara bë Enterineti kan

O ba jumankelaw ni foli ani taa-nuni dëre. Ne tøgø ye ko Nfaali Jara. N bë bë Torodo dugu kono, Negela mara la. Anw ka dugu ye Negala Falaje siginogondugu ye. An ka balo n'an ka dijnënatige temesira jønjønba ye cike de ye. Anw bara senefenw si ka ca, ka fara kɔɔri kan, o min y'an ka nafolo ladon senefen fôlø ye. Balimayasira bë anw ni Senuru jaraw ce, n'o fana ye dugu ye min sigilen don Falaje dugu ni kejèka ce ni kilometere wærø jøgøn ye. Anw bë kaba, tiga, jøani bene sene fen min ye baganmara ye, o fana lakodønn bë Torodokaw fe haali.

Torodo ye balikukalanko mine sebeko ye ka bi san 1970 waatiw la. O y'a soro Operasøn arasidi, n'o weletøgø surunman ye ko "OACV", de tun jølen bë n'an ka sigidaw kono bønøgølasiraw bëe bøli ye a jøma.

Fen min ye n ka bataki kunkanko tigiti yers ye, n bëna n da don o taabolo la sa

Ko Jekabaara bë SITI WEBU kan

Ne b'a fe Hamidu Konate ka n jaabi jininkali minnu na walasa ka ne ni møgø caman were bø kunpan na a ko la.

- **Jininkali fôlø :** Siti-wëbu ye mun ye ? A bë lasøro cogodi anw cikelaw fe ?

- **Jininkali filan** : Ni subahamasin te maa min bolo, ko ɔridinateri, o tigi bë se ka dijne kunnafoniw soro o koje na cogo di ?

- **Jininkali sabanan** : Jamana baarada ni UNESCO file ka ko kura dabø an fasokan labaarabagaw ye. Yali ni faamuyakalansen ma sigi sen kan a ko kanma a ko tena ke ko tølasebali ye wa ? Aw k'a laje bani ɔridinateri dønbaga man ca anw la halibi sanko k'a fø k'an k'o labaarasira dø tønø bo. An bë mun ke ?



Togodalamaaw ni enterineti ?

**Ka bë Nfaali Jara yøro
Torodo dugu kono,
Negela kafo kono**

Jaabi

N teri, N Faali Jara i ni ce, i ni baraji. An bë min jini o ye e ka temesira in ye. Ni møgø ma ko o ko faamu, i ka jininkali ke. O b'a to i be tønø-saba-ba ke. E yere be faamuya soro ; maa caman were bë faamuya soro, awa a ko be bø kunpan na bëe bolo. Nin yøro in na, ne Tumani Yalam Sidibe bëna n jija ka jaabiw d'i ma i ka jininkaliw la. A ka c'a la, bøko nata kono, ale yere bëna i sinsin jininkali ninnu taabolo kan, walasa ka faamuya di bëe ma a ko kun kan.

Jininkaliw jaabi

1. Siti-Wëbu ye mun ye ? A bë labara cogo di ?

N Faali Jara, Siti-Wëbu ye makojedonda de ye. Nin yøro in na, an bë donkene (Siti) de kan, min bë dijne bëe (Wëbu) don jøgøn na subahamasin ka sira fe, n'o ye ɔridinateri ye. Cakeda ani baara waleyali feere jøgønw tigelen bëe o baara taabolo jøgøyali kanma, min

bëe a kanubaga bëe sendonyørø soro a la. O misali ye e ka bataki in ye, dijne bëe bëna min lakodøn hali a tena meen bele. Tijsø don, e te ɔridinateri labaarala ye fôlø. Nka, n balimake N.Faali, a døn ko danceba te dijne dønnin kono belen. E ni i jøgønnna tøw bëe, aw minnu jama ba keme caman bë Jekabaara kalan kalo o kalo, a ye batakiw ci an ma ka jøsin dijne kono kow sidønni ma. An bë wulikajø ke k'u jaabiw jini aw ye u jiniyørøw la.

2. Jininkali filan jaabi ni fôlø in bëe be tali ke jøgøn na. N Faali Jara i b'a fs kà døn ni ɔridinateri te maa min bolo, o tigi bë se ka siti-wëbu labaara cogo di ? O man gelen. A sira jøgøn ye i k'i haminnakow ke jininkalisëbenw ye kà lase an ma. I b'u jaabi soro Jekabaara kono. Ala barika la fana, dijne jamana werew møgøw b'i ka seben kono kow døn, ani k'u taasi a kan, Jekabaara Siti-Wëbu nimøro siratge la.

Fen min ye faamuyakalanw taabolo ye, o min fana y'i ka haminnako gelen dø ye, o jaabi be an jøgøgn UNESCO bolo. I k'a døn fana ko baara in b'a daminewaati de la sisan. Taalen jiefe, wajibi don fura ka jini gelyea kumbetaw la. Fen min koni ye Siti-Wëbuko in ye, o ye an bëe de nisøndiyako ye, barisa a b'a sementiya ko kogo te dijne dønnisiraw ni jøgøn ce. N ma nin ko in døn bi, o ye tijsø ye. Nka nin ko in te tijsø ye, dijne dønniwarali la, o te tijsø ye de.

Ala k'an bëe deme ni an ka faamuyaw bondaw dayelenniko juman ye ka jøsin dijne taw ma.

**Hamidu Konate tøgø la, n'o ye
Jamana baarada jømaa ye
BP 2043 Bamako,
Telefoni 229 62 89**

Senefenw lahala dijé kono

Sené de ye fén kelenpe ye min ka Skan dijé fan bée ma. Jamana bée fana ka senyerekoré sinsinnen don ale de kan. An bée dijé waati min na i ko bi, senefen caman de yanaya bée jamanaw ke négón sanfè dijé kono : kaba, koori, sumanw, tiga n'a bénafenw.

O kanma, nin yoré in na, an bén a kuma senefen olu joré kan Afriki kono ani dijé kono, ka séró an ye a ko damine Mali la.

Mali kono yan, maa si té sésoli ke kooriséné joré kan belen. Jinan yére, n kan bée baarasan temenen ma, koori koloma tóni 6000 ni kó de sannifeere kéra an ka koorisenenaw fe. Awa, joré foloya minen da bée Mali jamana ni Ezipiti jamana ce koori séró la Afriki kono, san o san. Nka, geleya bée déré. Anw n'an ka koorihake séróba bée, a hake %2 dörönpe de bée bayéléma an yére bara iziniw la. A fanba tó (98%) duguma, o wurusili dörönpe



Mali ciklaw ka séró fanba bée bée koori la

de bée kán fe yan, ká mugu bée ce ka kókanfeeredaw segére. O kanma, an n'an ka séróba bée koori la, a tóna séróta tó cogo la an fe, awa, sanga ni waati bée an ka maasibaw an'an ka séwa dulonnen don dijé koorisugubaw de ka binkayelen na. Fen min ye sumanséné ye, hali n'o



Dunkafa bée jamana taa je

y'an ka jamana kono laadala senefen korré ye, baarakébolo lawarako jugu bóna fana bée ka nesin o ma. Forokurabé ka ca ka séró dugukolo bée ka nagasi ka táké fe. Fen min ye senefenafenw ye, tubabunogow, olu da bée ka yelen ka táké fe. O té sé ka bange fen wéré la geleya kó u séróko la. Fen min ye cikeminew ye, olu dafalen té ka cikédaw bée labé halí bi. N'an ye jatemine ke nin fótaw bée kan, an bée táké séróko an ka jamana kono san o san jako té gansanko ye. Jamana min sinsinfen folé ye séné ye, i n'a fo Mali, k'a ye ko sinijesigi laben si kelen té yen séné kanma, o té faamu. Mali senefen kologirinw be cike kókanfeere lakika de kanma, i n'a fo koori. Ko Mali de bée joré foloya ni filananya la kooriko la Afriki kono, ani k'a ye ko fini, tapi, gaari an koori bayélémafen wéré si izini t'an bara yan, o bée kamagan yelen déré. A kafisa bi, an ka jamana kolatigedaw nemaaw ka feerew tige minnu bá to an ka senefenw bayéléma iziniw bée dayelen an ka jamana kono yan. O bá to an bée bée dijé kono suguw lahala nunmá, ka séró an ka jamana kónomaaw fana makonéfenw bée séró a nema. An ka an sensen ka don Wasolon banni, yen min ye mangoro faso ye. Awa mangoro

bayéléma izini té yen. San o san, mangoro tolita bée toli forow kono Wasolon, maaw ka séró k'u ka duntaw dun a tó la ani ka suguw sira mine n'a ye sigidaw kono feereli kanma. Mali ka yéremahoronya b'a bolo kabi san 1960 setanburukalo. K'a fo ko hali bi wasofen jénjen t'an bolo iziniko siratege la, hali an ka senefenw tóna sankorotali kadara kono an ye, o té faamuya. Korré jumén dun bée an ka yéremahoronya la.

N'an y'an senfa ka don Afriki jamana kono, an b'a ye ko jéda bée Mali ni Afriki jamana caman bolo kabaséné na, i n'a fo Afriki di Sidi, Cadi, Togo, Benén, Kédiwari, Nizériya. Fen min ye kooriko ye, Ezipiti ani Mali bée ten kan o la, hali ni Kédiwari, Burukina-Faso, n'u négónna caman wéré. Dijé tarikubaw yére kadara kono, Afriki gun kéra sumanséné gunba ye waati bée la. Fen min ye dijé kónoko ye seneko siratege la, an b'a ye ko tiga ni kaba ani malo de kelen bée ka jamana tila u ni négón ce. Azi gun bée ten kan maloséné na, Ameriki gun bée ten kan suman ni kaba seneni na, awa, koori bée cike a nema Siniwa jamana ni Endu jamana ani Bérezili. Nka nin bée kébagé

A tó bée je 5 nan kan

jénan to

jolenw be Afriki jamanaw kono fana.

Yali cike be maa njunafan wa ? Dijé sigira cike de kan, awa a be taa kunce a kan. Awa, ka bi Ala ye dijé da, fo ka se bi ma, sumantigiw de sako be dijé maaw la. An k'a mafile bani. Waati o waati, ni sumanko geloya be jamana də kono, i be t'a soro ko dijé bee be wuli k'i jo a demeni kanma ni balow ani banfuraw laseli ye o jamana kono maaw ma. O b'a jira ko baloko sen mana don ko o ko la, a be laban n'a le de ye. Awa, hali an yere ka jamana kono yan, sumantigi de sako be miné fadenkenew bee kolatigeyorow la. Sene te ko lankolon ye. A be se ka ke de, n'a kebaa kera ceba lankolon ye, o b'a nafa sika don maaw la. Nonté, dugukolo cikela nögón "yere-demena, ani maa-were-demenda" te. Jekabaara kësafeboko kono n ye nisondiya kunnafoni də soro o kono, min be tali ke Jekabaara sigili la "Enterineti" (Siti-webu) kan. O b'a jira kàn fana ka kunnafonisben in bëna dijé jamana w bee kəmögow nafa kunnafoniko siratege la. O ye ne soro ka da "UNESCO" ka deme kan. O ye ne diya dere. A b'a sementiya dijé netaa jamana w bee jekoré k'a n fana ka kan fota, min ye bamanankan in ye, k'o fana bannen don sëbe kan ka b'o kodenso, ka taa a basigi dənko so kono. Dijé bëna a dən sœni ko baara o baara be ke kan fota barikama werew la, k'o be ke an fana ka kan nafama in na : kunnafoni laseli seko ni dənko siraw ani keneyakow kan. Kàn lafaamuya sigida kənkow la, ka soro do be fo an ye dijé yere taabolo kow kan. Ala ka baara in taa ne, k'a waleyacogo faamuya bërebëre di Jekabaara kalanbagaw ma.

N be bee lajelen fo. Ala ka sabati don an ka dijenatige taabolo la.

**Haruna koke Danbelé
Lekolikaramögə ka bə
Falaje, Bamako**

Dabali

An bara yan, kuma caman be tali ke dabali kan. Ni maa be ko o ko ke, i b'o dabali de tige. O te dəwəre ye jésorocogo feere k'o. Nka, dabali be taa don seko fana dakun na je were fe. O ye sua ye. Fen min ye dabali feerelama ye, o ye adamaden ka ceya temesira bee ye, walasa a k'a ka jininfen soro. Walasa i ka nafo-lo soro, i be baara ke, k'i fanga labaara, ka wulikajø caya. O de kanma, a be fo ko baara si nafantan te. N'i y'a waleya fen min no fe, n'i y'o soro, o ye lajini kelen ye ka sira soro. N'i dun m'o soro dun, i b'a dən min kanma o ma ne soro. O fana ye kalansira ye. Sine were, n'i b'o baara kelen ke o fen kelen nofe, i b'a dən mun fili wani mun desekow y'i bali wuliko fəlo la. I b'o lu latilen, k'i ke baara kecogo juman kan n'a kecogo lakika ye. A ka c'a la, i be bə jésorokola kan. Adamaden be feere o feere tige walasa k'a ka lajinifen soro, o bee de ye dabali sekolama ye. N be mun ke ka nafo-lo soro ? Muso juman in walima ce juman in ko be ne ye de, n dun be mun ke walasa k'a sigi n kun. O te taa dabali k'o. Ne be du juman jø cogo di, ka forokeneba bə walasa ka n ka denbaya dahirime soro ladonni musakako ani dunkafako la ? Nin si te taa dabali k'o. I k'a dən fəlo ko i bëna baara min damine i be se a koro. N'i dun sera a koro dun, an'a geleyaw fana be na nögón fe. Olu ye siya jumen ye ? Awa, n'u kera jøfenw ye fana, fura jumen be u la ? Ne bëna wuli ka n jo nin ko in nofe, n'a kera sabatifen ye n bolo o don. N'a dun kera geleyalako ye, o be se ka dabin jumen lase n ma du kono ? Sigida kono ? A ka c'a la, ni maa ye hakilijagabə ke ka kən i ka ko keta bee ne, fili w de be se k'i soro, ani waati dəw galabufagaw. Nk'a te fo cogo si la k'a kuncera i ka dan-betige kan. N'an be baara o baara ju tige, an k'o damine ko jenjini kan. N'o de kera an be wasa soro an ka baara fanba la fen min ye da-

bali sekolama ye, o de be wele ko ceeferé. O yere de kanma, an ka kodənnabaw b'a fo u ka ntaalen na ko : "Mögə te mugu ke i da ka soro a jinjinji t'i bolo" ; "ko te jən soro a ma min lajini", "deseko te dijé kono". Ni maa ma ko min damine a daminecogo la, a ka c'a la, o de la-banko be i kanmanagan".

N'an ye jatemine ke nin sanfeko fəlenw kelen-kelen kan, an be t'a soro ko kufeko tun te ko dənnen ye anw ka maakoré bolo. U tun te u ke baara si kan ka soro u tun ma ko min jenjini fəlo. Awa, n'u tun bëna ko o ko ke, i tun be taa a soro u y'a dən fəlo a bëna jëda walima masiba min lase u ma sigida kono. O de kanma ko lankolonke tun taye ka caya an ka gaw kono : sojéni, yeralibila, nanbara, sigijnögən-muso-kanu ani sigijnögənden-kanu... O n'a nögónna caman.

Fəlo, anw bara yan, dabali tun be je de sinsin ani ka adamadenya seme don. An bara yan, ko bëe tun be tème maaya sira de fe fəlo, ka soro ka kunce o maaya kelen kan, barisa adamaden tun be ko o ko jutige, a tun b'o nafa lajini sigida ka jetaa de kanma. An kàn ka fəlo maakoré dalilutigibaw n'u ka baaraw taabolow laje bani : Soma Ngolonin, ka bə Kenzan Belédugu kono, Sitan Seriba Sidibe ka bə Biriko, Namuru kunciba Terénin, ka bə bəbəw bara, Jeneba Tumani ka bə Wasolon, Gansiraba Kane, ka bə Yarangabugu, ... ninnu n'u nögönnaw de cayara haali an ka jamana fanw fe, u n'u ka sekotigya an'u ka dənkotigya, u tile la, adamadenw ni nögönce gasiw tun warali man ca i ko bi. Awa, dijé tun ka di an bara yan : ji juman tun be soro ka labəli ke, awa dunkafa tun te jenafinko ye san o san. Awən dere, olu ka waati la, an ma a kola-dən tunrunin di ka bə an kun abada. O de kanma, an ma ke dən-bagalafiliw ye. Bi dun ?

**Gejuma Mamuru Sako
Ka bə Golobilaji (Kita)**

Ñetaa ni yiriwa Bən-ko-la nəgən tə !



Bakari Sangare

Bee b'i yere ye be se ka ke kilisi duman ye, nka bən-ko-la nəgən fura dunman tə !

An be don min na i ko bi, foyi t'a cogo la. Ko bee tipenon don. Soro dəgəyara, ne mununfanw be ka koron ka taa fe. Maa si kelen ka kiseya te kow bə u bilama cogo la. Baara suguya bee də kera, nka halibi, anw ri kəngə, an ni min-əgo, an ni bana jugu. Ni min ko ko bee b'i yere ye, o ka faamu ni hakili numan ye. Bee ka kənərəjeyə jamako la. I nə fə a be ke a yere kelenpe de ye. O de ye hakilina in faamuko numan ye, bawo bi gəleyaw binbaga wəre tə temə jama kan. An bee haminan ye həre ni laafiya ye. O tuma, fo sigida kənəməgəw ka ben ko la. Bən-ko-la nəgən fura duman tə. Nəgənmine ni nəgən-kanu ye. anw dənfən kəro ye. Bi, an ka kan k'a nini k'o taabolo kəro in don ba la, ka kəjen ni an tile ye. Laafiya ni yiriwa sabatili kama, ko kuraw donna an ka sigidaw bee kənə. Sigidaw danboli y'o də ye. Kuntigi sugandi ni nəmaa sigi fana b'a

la. O si man kan ka finne bila an ka nəgən kanu ni an ka bən-ko-la la bawo feerew ni dabali tigetaw be sinsin olu de kan. Dugu tə yiriwa duguden kə. Sigida tə yiriwa sigida demejekulu ni sigida yiriwa baaraw kebagaw kə. Olu ka kan kana bən ni kelenya soro u ne. Adamadenw ka bən, o nafa tə se ka fə se a dan na, sango, sigiyərə kelen məgəw. Ale de be na ni koba ke ye bee be bə min numa. O temennen kə, forobafən kələsiko numan ni ү lakanani sira nəgəman b'a le de kənə. Ben be yərə o yərə, yiriwa ni ñetaa be ne soro yen. Demenjekuluw be hakililatige de jini. Ben be yərə min, o yərə təgə ye "həremakənə" ye. Bawo demejekuluw temennen kə, dugu yiriwali nə ka ñetaa be dugu yiriwatənw de bolo. O tən suguyaw tə sigi ni bən tə yərə la.

Boko temennen kənə, a jirala ko yiriwa tə məgəkelenko ye. O tuma fo sigida kelen məgə k'a faamu ko ben de ye gəleya kubennan fəlo ye, k'u ni nəgən ce furuku-furuku bila kere fe jamako kene kan, ka yere makaran damateme kojugu dabila. N'o kera, ka feeretigi ni demenjekuluw b'a soro an yere nunnen don an donni kəro. O b'a n deme diya. N'an ye sigida ke an haminko fəlo ye, o be ben ke wajibi ye an ma. Jama ka yiriwa, o min ye yiriwa tigitigi ye, o be sabati nin sira de fe.

Bakari Sangare

U ko...

A be n kun, o de be hamini gawubu jansanfen ye. Dinənatige ko bee dulonen don a taabolo sərəko la.

Modibo Sanogo

Surofen fara tileafen kan, min kafisa maa ma, o ye fan ye min be don i kun ka soro a ma danbe gen ka bə i ko.

Bengali Fənbə

ka bə Wolongotonba

To bee ka di a dumbara de da. Nəntə, kəngəto t'a faamu cogoya si la, bee bə k'i ban dumuni duman na, fo kəngə ka taa dankari a ninna.

Moriba Trawele

ka bə Genikərə

(Welesebugu)

Mun kanma adamadenw be juguya banbali la u məgə jəgənw ma ?

Ne m'o kun dən, kuma tə k'a faamuya, barisa a meen o meen, maa jugu bən a dən ko kun tə juguya la.

Purake Sidibe

ka bə Kita

(Gəngosifoolon)

Keneya nasira

Farikolon keneysa ka di ni fen bëe ye. Nafolotigiyà, dentigiyà, farikolon keneysa ka jì ni nin bëe ye. O hukumu kònò, an wulila ka se an ka keneysa tigilamaa dë ma, n'o ye dögötörö Sidi Lamini Kamara ye, n'a bë baara ke Jalakoröji dögötöröso la, walasa a bë se ka kunna-foni dàn ma bana kan min bë wele ko erenin, n'a bë ke sababu ye ka maa caman bònè u ni na an ka togodawla, maakorö-kunda ani denmisén-kunda. O tuma, dögötörö ye kunna-foni minnu d'an ma, olu file :

Jekabaara : erenin ye mun bana ye ?

Sidi Lamini Kamara : Erenin ye bana ye min kurulama don, a bë bø a sigiyörö körö la ka taa sigi fan were fe. A bë se ka ke a kuru bëe bë bø a sigiyörö la walima a fan dëenin bë bø ten. O de bë wele ko erenin.

Jekabaara : erenin be dòn taamasiyen jumen fe ?


Sidi Lamini Kamara : Erenin be dòn taamasiyen minnu fe, n'i ye kuru ye i farikolo la i ma deli ka min nögön ye, nà bi dabali ban, i bë wuli ka se dögötöröw ma. Ni sera yen, n'u y'a laje, olu bë se k'a f'i ye ko erenin don, walima bana suguya were.

Jekabaara : erenin be maa soro cogo di ?

Sidi Lamini Kamara : Erenin bë soro fangalabaara sifaya dów fe, i n'a fo donnibata, ntolatanw, karate, fengirinbw tali n'a nögönnaw. O temenen kò, den dów bë bange ni erenin ye. Fen min ye tangali ye erenin ma, i bë belebeleba bø i ka donnibata ni baara kologirinké la. Sabu, bana min don, a bë na dëenin-dëenin, don dë i bë bala k'a ye. Nontë den minnu n'a bë wolo maa se t'o la.

Jekabaara : erenin be furake wa ?

Sidi Lamini Kamara : Òwë, a bë furake. An bë don min na i n'a fo bi, dögötöröw bë yen minnu ka



Sidi Lamini Kamara

baara bëe lajelen jësinnen don erenin yere furakeli ma. O tuma, n'a sidonna joona, ka taa n'a ye i taa tuma, a bë furake ka soro i ma degun. Ka d'a kan, erenin bë bø adamaden yörëdamado de la, i n'a fo barakoröla, n'o ye ceyá köröla ye, kunsemé, fogofogon ani barakun. Fen min ye kunsemé ni fogonfogon ta ye, dögötöröbaw de bë olu dòn. An kònì bë minnu dòn, o ye barakun ta ani kerefila ta ye. A bë furake, n'a yera joona, i bë t'a n'a ye dögötöröso la, u k'a laje. Sabu, a ka kan ka wupere. Nà yera joona, a furakeli ka nögö baasi foyi t'o la. Nka, nà ma dòn joona, fe don min bë na dëenin-dëenin walima ka bala ka na. Balanata in de ka jugu kosebë. Sabu fe don min bë bø a nöna ka taa yorö were la. O la sa, a dögömanin n'a kumbaba, ni fan caman bëra, o bë na ni geleya ye. Min bë na dëenin-dëenin, o de furake ka di. Nka min bë na ni fanga ye, ni o fan caman bëra, n'o ma kumbë joona, o bë ke i n'a fo negeso samuyere genenlen a jolisiraw bë toli. Sabu, erenin ye nogow ni fenw de ye. O la, ni nogo tolila, k'a soro wupereli ma ke o bë na ni kasaara de ye. O tuma, Ala k'a n kis'o ma.

Jekabaara : erenin ye bana ye

min be yelema wa ?

Sidi Lamini Kamara : Ayi, a ts yelema maa were fe cogoyasi la. K'a fo ko erenin be karisa la, ko n'a n m'a n yere kôlôsi ko a bë an yerew fana soro, o banda te. A kònì bë se ka bëe soro. Nk'a ye n soro maa were sababu la, o te tijne ye.

Jekabaara : erenin ye suguya joli ye ?

Sidi Lamini Kamara : Ereni suguya ka ca : kunsemé-erenin, fogonfogonna-erenin, barakunna-erenin ani ceyala-erenin ni dów ta ye fan kelen ye, dów ta ye fan fila ye, a bëe be wupere.

Jekabaara : Welekan jumen b'i bolo ka lase an balimaw ma, kerenkernenya la, togodala-maaw ?

Sidi Lamini Kamara : Welekan min be n bolo, o te doweré ye, n'u ye kuru ye u la u ma deli ka min nögön ye walima ka kuru ye u ka denw na min tun te a la, u ka wuli ka se dögötöröso la a ka laje dögotorow fe walasa k'a kumbë joona. Denmisénw ta, dögötöröw b'c sidon joona, n ka maakoröw ta, o bë bala ka bo. Nka sann'a ka se baluna ma, a bë bø dëenir a dami: tuma, f'u yereb b'd fo ko nin ye eren i ye. O la sa, sann'a ka se baluna ma, n'a sidonna, u ka wuli ka nu dögötöröso la joona walasa a bë furake ka a tigi lafiya, k'a kisi kasaara ma.

Jekabaara : I kai kuma laban ye jumen ye ?

Sidi Lamini Kamara : N ka kuma laban te doweré ye, n bë aw kunndfonijensennaw fo. O temenen kò, n bë an balirna togodalamaaw ladenniya u k'u jija ka nin laadilikanw lamen, n'u ye kuru ye u la min b'u degun u ka wuli ka na dögötöröso la. Nontë, erenin ye bana ye min kasaara ka bon kosebë. O tuma, Ala k'a n kisi a kasaara ma.

Yusufu Fane

Nenamaya te taa ji ko

Nenamaya baju ye ji ye, n ka ji saniyalen ko don. Nante, ji jugu ye udamaden ka kene ya nagasilan fole ye.

Kalanko ni baara caman kofe, san 2002 okutoburukalo la, "World Vision" ye jiko ni saniya ani beeseyya fara a ka baara ketaw kan ka nesin a ka baara bolo dugu maaw ma, minnu ni jikogeleya tun kelen be sababu ye ka taeré caman lase u ma, i n'a fo konoboli, tegatégoñin ani nejalandimi n'a noggennaw, minnu sababu b's bo ji noggolen na. O sistratege la, an ye taama ke Bila "World Vision" na. Taama in daminen marisikalo tile 27, san 2005, ka t'a bila a tile 31 na. O senfe, an ni World Vision jiko ni saniyako ani beeseyya Poroze nemaa Samiyeli Jara ye noggén kuma noggonya ka nesin a ka poroze baaraw taabolo ma. O tuma, a ye minnu fo an ye, a y'olu lamson.

Jekabaara : Samiyeli Jara, poroze in daminen "World Vision" na kabini san jumer ?


Samiyeli Jara : Poroze in daminen san 2002 okutoburukalo la, a be to senna fo san 2007 nan.

Jekabaara : San 3 in kuntaala kono, n'o ye 2002 ni 2003 ani 2004 ye, aw sera ka baara jumenw ke ?

Samiyeli Jara : Baara in damine ni bi ce, an sera ka ponpekelon 72 sen ani nogen 840. O temenen ko, an ye maaw kalan ponpe ninnu dilan cogo la ani nogen sen cogo fo ka taa se saniya ni beeseyya matarafali kalanw ma. O temenen ko, an b'u ke jekulu ye ka baara kalifa u la walasa u be se ka poroze ka hakilina faamu ka baara ke n'o ye u ka duguw ni sigida yere mumé kono walasa poroze be se ka k'u bolo fen nafama ye.

Jekabaara : Baara ninnu be boloda aw ni noggon ce cogo di ?

Samiyeli Jara : Nin nininkali in diyara n ye. Benkan be anw ni sigida jama ce, n'o ye poroze yere nafa soro bagaw. "World Vision" be baara ke ni jekulu do ye an ka sigidaw kono, a be fo minnu ma ko ADP. OADP maaw be sigidaw kono bi a ka ca ni sanji 5 ye, olu ni meri maaw ni sigida maaw be je ka baa-



"World vision ka jiko poroze nemaa samiyeli Jara

ra ke noggonfe, n'o ye lajinisebenw dilanni ye. "World Vision" fana b'a joyoré fa lajini ninnu waleyali la walasa an ka kominiw be yiriwa cogo min na. O hukumu kono, jiko be be sigida maaw ka lajini caman kono. O lajiniw be ke seben ye ka ci "World Vision" ma. N'olu sera an ma yan, an b'olu segesäge kosebe. O tuma, an be baara ke ni goferenama ka taabolo ye. N'an y'a laje, ni ji saniyalen te dugu min na, an be fole yen na. O kofe, ni ji sanuman be dugu minnu na, nka n'a ma labeli ke, an be soro ka taa yen. O bolen ko a la, an be sigida maaw sendon baara ninnu na kosebe. Kamasoro an ye jatemine ke kosebe, a be watti jan bo, poroze carnan nana Mali la minnu ye baara caman ke. Nka n'i taara an ka togodaw la bi, ka nininkaliw ke u ka jiko la, u be yalla-yaala. Ka ponpew jira i la, n'u l'a fo ko min ye Inisefu ka poape ye, b'a fo ko Arabuw ka ponpe walima tubabuni:iw ka ponpe. O tuma, olu yerew ta be min ? A ka kun dugu maaw k'a d'en ko ponpe minnu be sen u ka duguw kono ko tige were foyi t'u la u yerew ko. O hukumu kono, ani y'u yere sendo a ko beej lajelen na. A senyoro, senni, hali a musakako, na ve doonin jini u fe o la. U sen be a baara bee la, fo ka taa a ban, an be je ka a bee ke noggon fe. O Jekabaara senfe, an b'u dege ponpe ninnu dilanni na, ani u minecogo juman, walasa don nataw la, u kana kononafili ponpe

tijenen kunna k'a sababu ke a tilanbagantayan ye, walima ka taa maa were nofe a dilanni kama.

Jekabaara : Baara foyi te ke ni musaka te, "World Vision" be joli don ponpe kelen senni dafe ?

Samiyeli Jara : Poroze in ye maa fila je poroze de ye. Sabu, World Vision ni fondasón Ilitoni jelen don poroze in baaraw la. Ka da kan, a baara taabolo ye fila ye :

Fole : Ji juman soro li ka di maaw ma, n'o be wele ko bakurunba-baara, fondasón Ilitoni y'a jo n'o nafolo ye, min hake taara a jo dolarri, n'o ye Lamerekewari ye, o miliyon 3 ni ko la.

Filan : O ye maaw kalanni n'u lafaamuyali ye k'u hakilina fara an ta kan porozeko ta fan fe, n'o be wele ko hakilinabaara, World Vision fana y'a jo ni dolari miliyon 3 ni ko ye o baara waleyali kama. O tuma, n'i ye nin fcn fila maaw kafafolo bolen fara joggon kan, o be ben dolari miliyon 7 ma, n'o ye poroze in ka san 6 baarakenafole mumé ye.

Jekabaara : Ponpekelon kelen musakaka kan ba ben joli ma ?

Samiyeli Jara : N'i y'a jate mine, "World Vision" ka jiko ni saniyako ani beesé poroze in be baara ke mara 3 de kono. Bila mara, San mara ani Koro mara. O la sc, n'i ye Bila mara ni San mara ponpekelon kelen musaka jate mine, a kelen ta be taa ben sefawari döröme miliyon

A to be je 9 nan kan

zuwenkalo san 2005

ne 8 nan to

4 ma, dugumaaw ka bota ye min na sefawari doreme ba 20 ye.

Fen min ye Koro mara ta ye, o ponepekelon kelen musaka be ben sefawari doreme miliyon 4 walima miliyon 5 ma, dugumaaw ka bota ye min na sefawari doreme ba 20 fana ye. N'i y'a laje, danfara min b'u ni neogon ce o be soro dugukolo n'a cogo de fe. Ka d'a kan, yore do ji ka jan ni do ta ye.

Jekabaara : Jiko poroze in be "World Vision" ka mara bee kono wa, walima Bila mara dama don ?

Samiyeli Jara : Poroze in damine ni ADP 11 hakilind de ye. O ADP 11 ninnu be Segu mara ni Moti mara la. Segu mara la, a be serekili minnu na, olu ye : Bila, San ani Tomijan ye. Fen min ye Moti mara ye, a be baara ke koro serekili kono. "World Vision" be Mali fan te minnu na, i na fo Kolokani mara, an ma se olu la felo. Nka ni poroze in tako filanan sera ni Ala sonna, an be se o yorew la. Nka o doren te, hali World Vision sigilen te yore do la, an delila ka baara ke yen, i na fo Gawayanfan. Gavo yore do la, an y'a jate mine k'a fo ko bana minnu be yen ni poroze in be olu kelle, i na fo zegale ni nejalandimi. Olu ka ca yen yore minnu na, olu ye Gavo, Timutu, Kidali, Menaka, Ansongo an Buramu ye. Nin bana kofolen minnu ka ca yen yorew la kosebe. O hukumu kono, a ka d'a n ye, poroze in tako filanan na, an ka se nin yore minnu na. Fen min ye Kulukoro mara ni Kaye mara ye, a ka d'a n ye an ka baara ke yen yorew fana na ka d'a kan, an ni Gulobali 2000 be baara ke neogonfe ani nejaladimi kelebagaw, n'o ye demejekulu "Ayitiya" ye. Olu y'a jira an na ko nejaladimi ni zegelen ka ca yefanw fe kosebe. O la, ko n'a n tun sera k'u deme u ka baara la, k'o tun be diya u ye kosebe. O siratige la, an be ka jatemine ke, ni pozore tako filanan sera, n'a n sera ka se o fanw fe. Nonte, sisan an be Segu mara ni Moti mara de la.

Jekabaara : I bora ka aw ka san damado baarakelenw fantige kolonko ni negenko kan. O hukumu kono, san 2002 ani 2003 baara bolodalenw foori la ka san 2004 ani



Ji numan be adamaden ka keneya sabati

2005 baaraw boloda. Yala, i be se ka do fan ye o taabolow kan wa ?

Samiyeli Jara : Poroze yere mumu kono, a jirala k'a fo ko an ka kan ka ponepekelon 200 de sen. Nka bi, an ye 72 sen. Ola sa, n'i y'a jate mine, an ka kan ka ponepekelon 128 sen sanni san 2007 ce. Fen min ye negenko ye, an ni sigida 150 maaw de tun ka kan ka baara ke neogon fe. O siratige la, an tun ka kan ka negen 130 sen. Nk'an be don min na i na fo bi, sigida minnu bolobolen b'a n nefe, o ka ca ni sigida 200 ye. N'o te, an ka jate koro la, a n to ye sigida 80 ye olu kan kan ka negen soro sanni san 2007 ce. Nka ni Ala sonna ma, sigida were minnu bolo bolen b'a n nefe, poroze in yelemakor filanan mana se, an be s'olu ma. O temenen k'o, an ye maa caman kalan negendilan na. Nka yali bi, an hakili b'a la ka maa 500 neogon kalan kokura. Fen min ye negenw musakako ye, a kelen musaka be ben dolariwari 42 ma. Ola, "World Vision" be 21 ta, dugumaaw b'a to 21 fana ta farikololabaura la. O tuma, minnu baara ye an ka san kura bolodalen ye sanni san 2007 ce. O temenen k'o, a ka di an ye, an ka nejaladimi kelle nin yore minnu na, o dun te keni ji juman te. Ka d'a kan, new ka kan ka ko ni ji juman ye wa zegelen te kelle abada ni ji juman ma soro maaw fe k'a min.

Jekabaara : Baara te taa geleya ko, yala aw ni a baarakeneogonw, n'o ye sigida jama ye, geleya b'a w ce baaraw taabolo la wa ?

Samiyeli Jara : Geleya dooni be yen. Nka poroze nana ka soro "World Vision" baarakeneogon minnu be sigidaw kono, olu y'a n demebaa jenjenw ye ka geleyaw kunbe. O hukumu kono, an ni sigida maaw ce geleyabaw te. Nka, waati do la, u b'u janiya jira k'a fo an ka baara ke neogonfe. Nka ni baara tuma sera, a ka ca Ala fe, maa te soro min be a w bolomademe. Olu ye geleyaninw ye, an be minnu lateme an ni neogon ce ni kuma neogonya ye. Geleya do fana be yen, i na baarakemineko. Baarakemine kura do dira an ma, olu mine cogo koson, a be waajibya an kan tuma bee an k'olu ta ka taa n'u ye Bamako walasa k'u saniya. O temenen k'o, geleya were be yen i na fo duguw sugandili kolon senni kama. Ka d'a kan, an be baara ke komini minnu kono, méri be dugu do sugandi ponepekelonko kama ka soro ponepekelon 2 walima 3 be o dugu kono. O be na ni geleya misenninw fana ye. Nka, an be nin bee dilan an ni neogon ce ni kuma neogonya ye. Fen min ye an ni fanga ce ye, geleyaba te yen.

Nka waati do la, an be baardamine yore do la, u be sebe ke dàn ma k'an ka baara jo. Anw k'lo, o ye geleyaninw ye baarap gonyu kono.

Jekabaara : Aw ye baara kebaga ye, a nafa sorabaga ye sigida jama ye, yala poroze in dahora kuu min kama, o na jie wa ?

Samiyeli Jara : Awo, ka d'a kan, a be kilo damadama bo, an wulila ka don en ka sigidow la, ka baara keleuw laje. An ye kolon sen dugu do la, ni kolon tun ma sen yen, san 2004 demineria, dugu tun be vuji. Bi, an folida ts o dugumaaw kuu. Besseyya sirafo, an ye negen minnu sen, a damins tuma a tun ka gele, ka d'a kan, inaaw ka faamuyali te kelein ye, do ma son a ma a damine. Nka maa kelen-kelenin minnu sonna a ma dugu kono n'an ye neqenw sen olu ye, sisan, a kera olu bolo geleya ye, sabu dugu mana je bee be taa olu fe yen. O siratige la, bee be k'a jini. Hali World Vision yere be dolariwari 21 min bo deme sira fe, dugumaaw yere t'o makono

A to be ne 10 nan kan

je 10nan to

tugun, u be taa sima ni negew san, an ye maa minnu kalan nejendilan na, u be se olu ma ka u ka nejen sen, yali u te se "World Vision" ma tugun.

Min ye banaw keleli ye, n'o ye nejaladimi ye, poroze in be damine 2002 san waati min na, nejaladi mito tur ka ca dugu minnu na, an be don min na i n'a fo bi, o negoyallen be o yorow la kosebe. Hali kesa-in-na, an bacrakejogon Kanadaka dow nana ka bo Kanada k'u b'a fe ka nejalan limito foto ta, an ye yoro caman yaala sann'o ka soro de. O tuma, nin bee kijelen ba jira ko poroze in nafa yera. Nka ni Ala sonna ma, sanni awirilikalo san 2005 ka ban, an be segesegeliba ke, n'o ye jaabi min d'an ma, kofe an bo' nejogon ye.

Jekabaara : Kunrafoni kunce la, ni hakilina were h'i bolo ka fara ninnu kan i be se k'o fo wa ?

Samiyeli Jare : A ka di n ye ka hakilina damadama falen falen ni maaw ce.

Hakilina folo : Ka ponepe matarafa k'a ye dugu kono, o ye ko ju manba ye. Nka ni maa te ponepe ninnu matarafa, baara lawulila min kama, o te soro. Sabu an y'a ye dugu dow la, musow ma nejogon faamu ponepeko la. Ni dugu tun jera, dugu musow bee tun be wuli k'u ka minenw ta ka ponepe segere, bee ba fe i folo ka mine ka fa. A ma ne fo jiton maaw ye ponepe in soga, k'u be feere jini a la.

Hakilina filanan : ni ponepe tijena u k'u jija k'a dilan, degokun ni degokun, maa minnu kalanna ponepe dilanni na, u k'u janto ponepe la kosebe. Ka d'a kan, an ka jama na in kono, n'a fora ko ponepekelon, maa caman b'a fo ko nafa t'a la, sabu a ponepe be tijen. A mine cogo de b'a to a ponepe be tijen. Nonte, ni maaw y'a don k'u yerew ta ye ponepe ye a be meen si ka.

Fen min ye beeseya ta fan ye, n'b'a jini sigidalamaaw fe, u ye beeseya faamu cogo min, hali bi, u ka do far'o kan. Sabu, maa o mac n'i saniyara i farikolo la, i ni bana te ke nejogon sigijogon ye abada.

Yusufu Fane

Farikolo nejogon Farafinna denmisew ka ntolatan kupu

Ganbi ka kunkoreta, Mali ka kunmasuuli

Nin y'a sijne folo ye, farafinna denmisew ka ntolatan kadara kono, Ganbi denmisew ka kupu ta ka don u ka jamana kono. Farafinna denmisew ka ntolatan min kera Banjulumekalo tile 7, ka taa bila a tile

ntolatan kecogo tun ye jigiyaba di u kanubagaw ma. Bonkamaleninw ka ntolatan laban; Banjulu kene kan, u ye



Musa Boli



Mali bonkamaleninw Banjulu ceben kene kan

22 la, san 2005, Ganbi denmisew y'a kupu ta timinantiya ani mujun kono. Fen min ye Mali bonkamaleninw ye, olu minnu tun taara ni kupu in tali hakilina ye, u ma foyi soro a ko la kunmasuuli ko. Ka d'a kan, u ma hali eeintulon wuliko fololaban.

Jibirili Darame k'u cedenw n'u ka kunkene ya r'a ta bee, u josen ma nkoolo faga Banjulu ceben kene kan.

Sanni ntolatan in ce, an ka bonkamaleninw tun be jate janaw la. Nka, u bora Banjulu ni kunmasuuli li ye. U binna bincogo cejugu la k'a soro ntolata ba in nebila nejogonkunbenw na ka soro, u ka

Burukina Faso dere kuru 2 ani 1.

Nka, kosedusuta in mago ne u ka taajne la jenaje in kene kan. Bawu, o taajne in tun siriler te u ye ew la.

Bonkamaleninw bin cogo in kera sababu ye ka Mali ntolatan kanubagaw bila hakili-jagab la.

Bonkamaleninw te se ka jigin maa were la u yerew ko. Bawu, u mana-mana binna u ka nejogon kunben folow la. Gana ni Ganbi y'u dasi cogo kelen na (kuru 3 ani 1) ka soro kolesilila, nin jamana fila ninnu si tun te u kenefen ye.

Musa Boli ni Yusufu Fane


Bila "World Vision" jemaaba Piyeri Saye ka jemukan

Piyeri Saye ye jən ye ?

Piyeri Saye ye maa ye min bə baara kə world vision na. A ka baara tun jəsinnen bə kalanko kələsili ma "World Vision-Mali" ka mara bəe lajelen kənə, kabini 2000 san waatiw kənə. Kerenkerennenya la, balikukalan. Piyeri Saye tun cəsirilen bə fasakanw sankərətali baaraw fə kosebə "World Vision" ka maraw kənə. Ale ka cəsiri de y'a to fasokan caman ka sannayelen sərə Mali kənə, kerenkerennenya la, "World Vision" maraw n'a jəgənna caman. Piyeri Saye y'a jəyərə fa kosebə kalanko sinsinni na World Vision na fo ka na se san 2004 laban ma.

San 2005 əkutəburukalo la, a kəra Bila World Vision base jəmaa ye. O siratigə la, baara jəgənya min bə Jekabaara kunnafonisəben ni "World Vision" cə kabini san 5 jəgənna, an wulila ka se Bila "World Vision" jemaaba Piyeri Saye ma marisikalo tile 27 ka taa bila a tile 31 na, san 2005, walasa a ka də f'an ye a ka "World Vision" jemaaya kənə. A ye minnu f'an ye olu file : A ka fə la, sanni a kake Bila "World Vision" jemaaba ye, a ye sanji 4 kə "World Vision" ka kalanko jənəbəli jəmaaya la. Kerenkerennenya la, balikukalan, 1996 ani 2001. O temenen kə, a ye sanji 3 kə poroze baniwalen (BVA) jemaaya la k'a ta 2001na, ka taa se 2004 ma.

San 2005 əkutəburukalo la, a kəra Bila "World Vision" jemaaba ye. O hukumu kənə, Piyeri Saye da sera "World Vision" ni jamana



Piyeri Saye

baarada ka jəgənyabaara nafa ma ka jəsin kunnafoni jənsenko juman ma jamana kənə an'a kəkan. A ka fə la, kabini jamana baarada ni "World Vision" y'u bolo di jəgən ma, a kəra sababu ye ka "World Vision" ka baaraw sankərəta. kosebə. Kerenkerennenya la, balikukalan. A ko fana ko Jamana baarada ka kunnafonisəben min bə wele ko Jekabaara, k'o kalanni kəra sababu ye ka faamuyaliba di maaw ma ka jəsin "World Vision" ka baaraw taabolo dənni ma. O temenen kə, ka maaw bə kunfinya dibi la. Fen min ye san 2005 damine "World Vision" ka baarakəlaw fanba labilalı ye, karaməgə Saye da sera o kun kumbaba dəw ma ka jəf'an ye. A ka fə la, baara o baara ni maa b'a ke, a bə ke jate də de kənə. Waatiw temena, dərəmə miliyən kelen tun bə baara dəw ke fo k'a tə to, sisan, dərəmə miliyən 2 t'o bə.

O siratigə la, a jate minəna k'a ye ko maa caman tara baara min-

nu waleyali kama, k'olu jəda dəgəyara kosebə. O de nana ni yelema donni ye baaraw taabolo la ka maa caman labila. "Yelema in ma ke sababu ye ka foyi bə World Vision ka baarakəta kərəw la, a ye yelema don baarada kecogo de la. Sabu an tuñ be maa caman ta minnu tun bə baara ke ni dugumaaw ye. Nka sisan, an bə baara ke ni goferenamademejekuluw ye ani foroba-cakeda ni meri baarakəlaw ye ka fara an ka maa kalannenw kan". Anw ka faamuya la, o bə ke sababu ye ka nafa caman lədən dugumaaw kun, ani ka World Vision ka demədon-nafolo labugun baara caman keli kama duguw kənə.

San 2004 ani 2005 baaraw bolodara.

Karaməgə Saye ka fə la, sə kura baara bolodalen in fanba bə jəsin kalanko ni jiko ani musow ni denmisən dəməni ma walasa don nataw la, u na se ka jəyərə sərə jamana in kənə walasa kə bə nəgə la.

Kunceli : Piyeri Saye ko a te se kə ka kuma kuncə cəbəda nə ma fcli ke ka jəsir. "World Vision" baarakə jəgən bəe lajelen ma, kerenkerennenya la, a ka demə sərəbagaw.

"Yelema donna baaraw taabolo la. Nka, kunnafoniko hukumu kənə, o ye waajibi ye, sabu baara foyi te taa kunnafoni kə". O temenen, kə, an b'a pini dugumaaw fə u k'u cəsiri kosebə, sabu, a meen o meen dəndə baara ninnu bena bila u ka bolo kan.

Yusufu Fane

Nsirin : Kooronin ani dononkɔrɔnin

Nin kera dononkɔrɔnin ani Kooronin ye. Nin don, kooronin taara dononkɔrɔnin nɔfɛ k'u ka taa ale buranna la, n'o y'a muso faso ye. Nka n balimaw, bee kɔnni b'a dən ko Koro ye dafen ye min yecogo mar di maaw, ye, ka d'a kan, a kukala ka jan, a new bilenlen don, wa a farikolo suturale te ni foyi ye fana. Nka, o si ma dononkɔrɔnin salaya taali la kooronin nɔfɛ a buranna la, sabu u tun ye terima ye. U ye labenw ke tuma min, kooronin ye dononkɔrɔnin sègeré a ka so. A selen yen, a ye foli ke, dononkɔrɔnin y'a lamine, k'i kanto ko : "N kɔrɔ koro, e labennen bee ye nin ye wa ?" N Kooronin ko : "Owo, nin ye ne labennen bee ye". Dononkɔrɔnin k'o be se ka ke cogo di, kulusi t'i ki, duloki t'i la, e be taa nin cogo la tan wa ?

Kooronin k'o be ke de ! Ka d'a kan, nin fen ko'olen ninnu te ne bolo, Kooronin y'o kuma fo yɔrɔ min, Dononkɔrɔnin donna a ka so kɔnɔ ka bɔ ni kulusi kelen ni dulɔki kelen ani fugula kelen ka na olu di Kooronin ma ka ka olu don a la.

O kɔ, u sɔrla ka sira mine. U ye tile kelen ni su kelen ke taama la, fo o duguje wuladanin tuma, u sera u taayɔrɔ la. U ye jatigila mine Kooronin muso fa terike ka so. O fana ye denmisèn dɔ ci kɔ ka taa fo a terike ye k'u denmuso cew nale foli la, n'o Kooronin n'a terike dononkɔrɔnin ye. O ci taalen fo, Kooronin muso fa y'i yelema kà kanto a muso ma ko : " i buranw nalen folila ". O kuma fo buranmuso ye, daga wulila n ka sogalan ma ye. Ka d'a kan, bamananw b'a f'u ka kuma də la ko : " Buranye ye kɔmɔye " ye. O la, Kooronin buranmuso ye dumuniba tobi sufè ka taa di a buranw ma. O y'a sɔrɔ jatigike ye Kooronin ni dononkɔrɔnin bee bila u dama, u si ni si te so ke'en kɔnɔ. Dumuni waati selen, ko ka dononkɔrɔnin wele k'u ka dumuni

ke, Kooronin y'i kanto ko : "Ayi, a ye dononkɔrɔnin to yen, a da boma don".

O fɔlen, u ye dumuni ke ka dononkɔrɔnin to yen, a sira a ma dumuni ke. Dugu, elen, burannakaw nana ni dumuni ye tugun, Kooronin seginna a ka fɔlen kɔrɔ kan. O kelen, u ye dumuni ke ka dononkɔrɔnin to yen. Tilelafana nana, u y'u fana dun ko dononkɔrɔnin da boma don. Surɔfana fana o dunna o cogo kelen na k'a da boma don. Kooronin ni dononkɔrɔnin tora ten, fo kɔngɔ ye dononkɔrɔnin sègen kosebe, n k'a ma foyi fo. Sabu, an ka kumadonsow b'a f'u ka kuma də la ko, "Ni dimi donna maa na yɔrɔ min, n'i k'i b'a bɔ o yɔrɔ la, dɔwɔre be don i la". O siratiqe la, dononkɔrɔnin y'a to fo su ka ko. Dugu tilalenba, dononkɔrɔnin wulila ka Kooronin sègeré a ka so. A y'a sɔrɔ Kooronin n'a muso dalen, u ka baro diyalenga don. Dononkɔrɔnin ye Kooronin ka da gosi, a wulila ka da yelen, a je dara dononkɔrɔnin kan yɔrɔ min, a ja wulila balawu, k'i kanto ko : "Ee !, dononkɔrɔnin, here don wa ?" Dononkɔrɔnin y'a jaabi ko here don dere, n ka f'en min b'i bolo, a di yan n be taa so" O fɔra yɔrɔ min, Kooronin muso y'a jininka ko a ka mun fen dun be e bolo k'e te se k'o d'o ma walasa an ban'an da ? Kooronin ko : "A ka fugukı in de kodon".

Kooronin y'o bɔ ka di dononkɔrɔnin ma, on'a muso temenan n'u ka baro ye. Waatini selen, dononkɔrɔnin y'i kanto ko : "kengkilereke koro n sɔn n na fen ye n be taa so" Kooronin muso y'i kanto ko : "Dononkɔrɔnin ka mun b'e bolo k'e te se k'o d'o ma an k'an da wa". Kooronin ko a ka foyi te n bolo a ka dulɔki kolonnin in kɔ. A y'o bɔ, u temena n'u ka baro ye. Waatinin temenan, dononkɔrɔnin y'i kanto tugun, ko :

"kenkengilereke koro, n sɔn n na fen ye n be taa so" A muso y'a jininka, a ka kulusikolon in de nɔfeko don. A y'o fana ba. O bora tuma min, koro muso je dara a kukala kan yɔrɔ min, o ye nimisa damine furuko la. Sanga damado o kɔ, dononkɔrɔnin y'i kanto tugun, ko : "kenkengilereke koro n sɔn n na fen ye n be taa so". A muso y'a jininka ko a ka mun were b'e bolo ko e te se ka o di o ma walasa an na an da. Kooronin ko : "A ka foyi were te n bolo tugun a ka filenkolonni teremelen kɔ. O y'a sɔrɔ dononkɔrɔnin tun ye filenkolonni də tereme k'o don kooronin kɔfelan na walasa a kana bo ke a muso jena. Dononkɔrɔnin tora ka taa ka segin a ka kuma kan, kooronin diminen ye Ala mine ka filenkolonni in sama ka bɔ kɔfe k'o fili dononkɔrɔnin kan, an'a ka boje seri a muso kan, o si ma kɔrya ni si ye. O kelen, dononkɔrɔnin y'a kɔdon ka taa so. O boko kera sababu ye ka kooronin n'a muso ka furu sa bɔgɔbɔgɔ. K'a ta o don na ka na se bi ma, o maloya be koro ni musow ce.

Ni koro ye muso ye hali k'u to taama na, a b'a da yɔrɔ kelen pewu, a te bɔ a rɔna abada.

Yusufu Fane

Jekabaara

Labolituntigi Seben nekulù kuntigu
Umarri Yalam Sidibe
Seben nekulù
Yusufu Fane
Bakori Sangare
Usumani N Tarawele (CMDT)
Tumani Yalam Sidibe
negeñw kelaga
Yakuba Jara ko Kayi
Labenbagha oridinateri la
Worokiyatu Sɔ
Baaruke pogonw
CMDT-World Vision - Ofisi Nizeri -
Ofisi in- OHVN
Hake bata : 11000
Bataksira : 2043
Negejurusira : 229 62 89
Jomana baarada - Seki zavedi tegela
sira- Hamudalayi kin - Bamako
Siti-Webu nimɔrɔ
www.afribone.net.ml/jekabaara/